



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1204. Usque Ad Annum 1230

Fleury, Claude

August. Vind. [u.a.], 1763

VD18 90118030

§. 20. Rex Arragoniæ Pontificem fallit.

[urn:nbn:de:hbz:466:1-66406](https://nbn-resolving.org/urn:nbn:de:hbz:466:1-66406)

pa acriter exprobrans, eosdem jubet E-
 piscopo omne auxilii genus, quod pos-
 sent, præstare, addita comminatione, se
 Ordinem ipsorum privilegiis, quibus au-
 daciores efficerentur, exuturum esse.
 Tum, quia post hominum memoriam
 Provincia Estoniensis nunquam Episcopo
 Metropolitano cuicumque subjecta fue-
 rat, Pontifex præcepit Episcopo; sine
 speciali S. Sedis mandato nulli se sub-
 mitteret, ac similia de hacre mandata ad
 Episcopum Riganum misit; quod istud
 negotium in Concilio Generali esset
 pertractandum.

§. XX.

Rex Arragoniæ Pontificem fallit.

Petrum Regem Arragoniæ, post victo-
 riam de Mauris reportatam, redeun-
 tem, Raimundus Comes Tolofanus, Af-
 finis ejus, adiit, & postquam retulisset,
 quanta passus esset a Crucigeris mili-
 tibus, conqueri cœpit, nolle Ecclesiam sa-
 tisfactionem ejus recipere, etsi omnia,
 quæcunque præciperet Papa, agere pa-
 rati. Quare denunciavit, quod Regis
 solius misericordiæ & pietati Comita-
 tum Tolofanum, subditos suos, Raimun-
 dum filium, & Eleonoram Conjugem,
 ejusdem Regis sororem, committat. Ipse
 carissimam sororem, & nepotem defen-
 deret, si vellet, aut si ferreis esset visce-
 ribus,

*Sup. n. II.**Innoc. XV.**ep. 212.*

Sæcul. XIII.
A.C. 1213.

ribus, eos rebus omnibus spoliari & ad turpem egestatem redigi immoto animo intueretur. Comite Tolosano audito, Rex Arragoniæ ad Papam Legatos misit cum literis, in quibus dicebat: *Tunc cum, jubente Sanctitate tua, Crucigeri milites Vicecomitis Bliterrensis, Vasalli mei, ditiones invaserunt, auxilia a me flagitantem repuli, ne rebellis Ecclesie, matri meæ, haberer, & non nullos Catholicos deserere malui, quam Hæreticos, ut permixtos, protexisse videri. Unde secutum est, quod Vicecomes Bliterrensis principatu exutus, tandem interfectus misere perierit. Exinde Legatus Sacre Sedis Arnaldus & Comes Montfortius, Crucigeris in terras Comitis Tolosæ immisissis, non solum urbes ab Hæreticis ingressis occuparunt, sed etiam illas, in quarum cives ne quidem suspicio hæresis cadebat. Namque ex eo satis insontes probantur, quod Comes Montfortius ipsos in urbe sua permanere sinat; id enim, si Hæretici essent, neutiquam pateretur. Jam vero, Legato & Montfortio omnia populantibus, Rainundo Comiti nihil præter urbes Montalbanum & Tolosam relictum est. Idem ditiones Comitis Foxiensis, Convennensis, & Benearnensis, Vasallorum meorum, subegerunt, ac fidem jurejurando sibi dari hodieque exigunt. Hac vero quo tempore? nempe illo, quo*

Sæcul. XIII.

A. C. 1213.

ego in bello contra Mauros pugnans pro fide meum & militum meorum sanguinem profundebam. In fine Epistolæ Rex Arragoniæ Papam rogabat, ut Comitatum Tolosanum Raimundi Comitis filio, quindecim annorum adolescenti, conseruaret, subjungens: Ego juvenem fidei doctrinam accurate doceri curabo, eum & Comitatum paternum in mea potestate, quamdiu tibi, sancte Pater, expedire videbitur, tenebo, vadesque & pignora fidei meæ, quæ postulaveris, tradam. Comes quoque Tolosanus penitentiam, quamcunque præscripseris, peracturus est, sive eum contra Saracenos ultra mare movere, sive in Hispania militare jusseris.

Epistola Regis Arragoniæ perlecta, Pontifex ad plures dedit literas, & imprimis ad Legatos suos Archiepiscopum Narbonensem, Episcopum Rejensem, & Magistrum Theodisium, quos Concilium Episcoporum, Optimatum, & Magistratum convocare jubet, & addit: Certiores nos deinde facietis eorum omnium, quæ de conditionibus, a Rege Arragoniæ oblati, statuta fuerint, ut percepta vestra sententia, quæ necessaria fuerint, discernere, & Regimini illius provinciæ consulere possimus. In alia Epistola, ad solum Archiepiscopum Narbonensem directâ, dicit Papa, quod Rex Saracenorum (nempe *Almobadum*) post acceptam

Hist. Eccles. Tom. XIX.

U cla-

Sæcul. XIII.
A. C. 1213.

cladem, vires reparare conetur, in Oriente autem Terra sancta Christianorum ope indigeat. Quare jubet eum cum Rege Arragoniæ & Optimatibus de modo pacem vel inducias in provincia Legionis suæ firmandi deliberare, & nulla amplius Crucigerorum supplementa, oblata Indulgentia, quæ contra Hæreticos militantibus conceditur, nisi nova acceperit mandata, cogere. Comitibus quoque Montfortio, datis literis, præcepit Innocentius; Regi Arragoniæ eadem obsequia, quæ Vicecomes Bliterrensis præstabat, exhiberet, ac eidem Principi ejusque Vasallis ditiones, quas sibi ereptas dicebat, restitueret.

15. ep. 213.
214.

§. XXI.

Concilium Vaurense.

Petr. Hist.
Albig. c. 66.

to. II. Conc.
p. 81.

Inter hæc Rex Arragoniæ Tolosam ad Festum trium Regum delatus, Equites ritu solemniter creavit, cura vacuus, etiam ita cum Hæreticis communicaret. Tum Archiepiscopo Narbonensi, S. Sedis Legato & Comiti Montfortio significari iussit, cupere se cum eis Colloquium celebrare, & viam reducendi pacem tentare. Præstituitur dies, & assignatur communi consensu locus inter Tolosam & Vaurum. Ubi ergo convenerunt, rogavit Rex Archiepiscopum, ut Comitibus Tolosano, Foxiensi, & Convennensi,